

TripGuide Iceland ehf.
B.t. forsvarsmaður
Sundaborg 1
104 Reykjavík

Akureyri: 21.12.2020
Tilvísun: 2011095 / 02.09.01
Ákvörðun nr. 6/2020

Efni: Ákvörðun um dagsektir

Ferðamálastofa hefur tekið ákvörðun um álagningu dagsekta á félagið TripGuide Iceland ehf., kt. 4907101160 þar sem félagið hefur ekki orðið við fyrirmælum stofnunarinnar um framlagningu gagna vegna árlegs endurmats tryggingarfjárhæðar félagsins þrátt fyrir ítrekanir þar um.

Málsatvik

Þann 1. apríl sl. rann út frestur til að skila inn gögnum vegna árlegs endurmats á fjárhæð trygginga ferðaskrifstofa skv. 6. gr. reglugerðar um tryggingar vegna pakkaferða og samtengdrar ferðatilhögunar nr. 150/2019 sbr. 1. mgr. 26 gr. laga um pakkaferðir og samtengda ferðatilhögun. Tilkyning þess efnis var send í tölvupósti þann 28. febrúar sl. og á ný 25. mars sl. Gögnum var skilað í gegnum þjónustugátt Ferðamálastofu þann 1. maí sl. Við yfirferð innsendra gagna kom í ljós að gögnunum var verulega ábótavant; upplýsingar um félagði vantaði á staðfestingu endurskoðanda vegna bókhalds, áritun vantaði á ársreikning félagsins og eyðublöð vegna greiningar á veltu árána 2019 og 2020 voru óútfyllt. Með tölvupósti þann 10. júlí sl. var leiðbeint um hvað á vantaði og veittur frestur til 24. júlí til að skila fullnægjandi gögnum. Tilmælin voru ítrekuð með tölvupósti þann 11. september, veittur var lokafrestur til 17. september til að skila fullnægjandi gögnum. Fram kom að bærust gögn ekki innan veitts frests yrði málinu, án frekari aðvörunar vísað til ákvörðunar um viðurlög. Fullnægjandi gögn hafa borist þrátt fyrir ítrekanir.

Þann 23. nóvember sl. sendi Ferðamálastofa tilkyningu um fyrirhugaða álagningu dagsekta á félagið. Upplýst var gögn sem skilað var uppfylltu ekki þær lögbundnu kröfur sem gerðar væru til gagnaskila og að félagið hefði því ekki skilað þeim gögnum sem þeim væri skylt að skila. Veittur var frestur til 8. desember sl. til að bæta úr annmörkum og skila inn umbeðnum gögnum. Enn fremur var tilgreint að dagsektir yrðu lagðar á félagið ef umbeðin gögn yrðu ekki lögð fram. Ferðamálastofu hefur ekki borist nein viðbrögð af hálfu félagsins.

Samkvæmt 3. mgr. 33. gr. laga um pakkaferðir og samtengda ferðatilhögun nr. 95/2018 getur Ferðamálastofa lagt dagsektir á aðila sem fara ekki að ákvæðum VII. kafla laganna um tryggingar ferðaskrifstofa. Dagsektir geta numið frá 50 þús. kr. til 500 þús. kr. á dag skv. 4. mgr. sömu greinar.

Samkvæmt 6. gr. skv. reglugerðar um tryggingar vegna pakkaferða og samtengdrar ferðatilhögunar nr. 150/2019 sbr. 1. mgr. 26. laga um pakkaferðir og samtengda ferðatilhögun skulu tryggingaskyldir aðilar skila Ferðamálastofu tilgreindum gögnum og upplýsingum eigi síðar en 1. apríl ár hvert.

Ákvörðun

Líkt og að framan greinir hefur TripGuide Iceland ehf. ekki farið að fyrirællum Ferðamálastofu um framlagningu gagna vegna árlegs endurmats tryggingarfjárhæðar félagsins. Af þeirri ástæðu hefur Ferðamálastofa ákveðið að leggja dagsektir á félagið frá og með 4. janúar næstkomandi, hafi ekki verið farið að fyrirællum stofnunarinnar fyrir þann dag.

Frá og með 4. janúar 2021 verða lagðar á dagsektir að upphæð kr. 50.000 á TripGuide Iceland ehf. fyrir hvern dag sem líður þar til að farið hefur verið að fyrirællum Ferðamálastofu um framlagningu tilskilinna gagna vegna árlegs endurmats tryggingarfjárhæðar félagsins. Verður uppsöfnuð sektarfjárhæð innheimt á 14 daga fresti þar til farið hefur verið að fyrirællum Ferðamálastofu.

Samkvæmt 7. mgr. 33. gr. laga um pakkaferðir og samtengda ferðatilhögun nr. 95/2018 má skjóta ákvörðun Ferðamálastofu sem tekin er á grundvelli VII. kafla til Ferðamála-, iðnaðar og nýsköpunarráðherra (ANR), Skúlagötu 4, 101 Reykjavík, innan fjögurra vikna frá því að hún er kynnt þeim sem hún beinist að. Málskot til ráðherra frestar ekki gildistöku ákvörðunar.


Samkvæmt 6. mgr. sömu greinar eru dagsektir aðfararhæfar að liðnum kærufresti en kæra til ráðherra frestar aðför uns endanleg niðurstaða liggur fyrir. Málshöfðun fyrir almennum dómstólum frestar ekki aðför.

Samkvæmt 24. gr. stjórnslulaga nr. 37/1992 á aðili rétt á því að mál sé tekið til meðferðar á ný, ef ákvörðunin hefur byggst á ófullnægjandi eða röngum upplýsingum um málsatvik.

Virðingarfyllst,

F.h. Ferðamálastofu


Helena Þ. Karlsdóttir forstm. Stjórnsýslusviðs


Nanna D. Björnsdóttir, lögfræðingur

Afrit er sent með tölvupósti á kjartan@tripguide.is